



Broj: 02-11-1025/25-AP-9
Datum: 01.07.2025. godine

Na osnovu člana 25., 70. i člana 72. stav 3. tačka a) Zakona o javnim nabavkama („Službeni glasnik BiH“, broj: 39/2014, 59/2022 i 50/2024), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022 i 6/2023), člana 12. Privremene statutarne Odluke Grada Zavidovići («Službeni glasnik općine Zavidovići», broj: 4/2022), te preporuke Komisije za javne nabavke, u predmetu odabira najpovoljnije ponude u postupku dodjele ugovora o javnoj nabavci radova „Proširenje saobraćajnice u dijelu ulice 4. manevarski bataljon“, Gradonačelnik Zavidovića, d o n o s i

ODLUKU

Član 1.

Poništava se Odluka o izboru najpovoljnijeg ponuđača broj: 02-11-1025/25-AP-8 od 20.06.2025. godine iz razloga što drugorangirani ponuđač „HAJDIĆ“ d.o.o. MAGLAJ, nije prihvatio ugovor o javnoj nabavci radova „Proširenje saobraćajnice u dijelu ulice 4. manevarski bataljon“ (nije dostavio dokumentaciju propisanu tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke).

Član 2.

Prihvata se preporuka Komisije za javne nabavke, te se Ugovor o javnoj nabavci radova „Proširenje saobraćajnice u dijelu ulice 4. manevarski bataljon“, dodjeljuje trećerangiranom ponuđaču GTPD „POROBIĆ“ d.o.o. ZAVIDOVIĆI, koji je dostavio ponudu broj: 28-05-01/25 od 28.05.2025. godine u postupku dodjele ugovora o javnoj nabavci radova „Proširenje saobraćajnice u dijelu ulice 4. manevarski bataljon“, u kojoj je nakon e-aukcije ponuđena ukupna cijena od 26.616,24 KM (slovima: dvadesetšesthiljadašeststotinašesnaest i 24/100 KM) bez uračunatog PDV-a.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-1025/25-AP-2 od 29.05.2025. godine pokrenut je postupak dodjele ugovora za javnu nabavku radova, putem otvorenog postupka za koji je dana, 09.05.2025. godine upućeno Obavještenje broj 1374-1-3-80-3-51/25 na objavu u Informacioni sistem „E-nabavke“.

Procijenjena vrijednost nabavke predmetnih radova iznosi 29.094,50 KM bez uračunatog PDV-a.

Na adresu Grada Zavidovići do krajnjeg roka za dostavu ponuda 29.05.2025. godine do 12,00 sati dostavljena su 7 (sedam) ponuda, i to ponuda ponuđača 1. „GEO-PUT“ d.o.o. MAGLAJ; 2. „DOBOJPUTEVI“ d.o.o. DOBOJ JUG; 3. „HAJDIĆ“ d.o.o. MAGLAJ; 4. „IKAN“ d.o.o. ZAVIDOVIĆI; 5. GTPD „POROBIĆ“ d.o.o. ZAVIDOVIĆI; 6. PD „KOMGRAD-ZE“ d.o.o. ZENICA; i 7. „MGV GRADNJA“ d.o.o. ZAVIDOVIĆI.

Komisija za javne nabavke zaprimila je pristiglu ponudu, izvršila njeno otvaranje, te izvršila pregled i ocijenu ponude prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristigla ukupno 7 (sedam) ponuda, da su sve ponude blagovremeno zaprimljene i da su ponude ponuđača: „GEO-PUT“ d.o.o. MAGLAJ; „DOBOJPUTEVI“ d.o.o. DOBOJ JUG; „HAJDIĆ“ d.o.o. MAGLAJ; „IKAN“ d.o.o. ZAVIDOVIĆI; GTPD „POROBIĆ“ d.o.o. ZAVIDOVIĆI; i „MGV GRADNJA“ d.o.o. ZAVIDOVIĆI formalno ispravne i tehnički zadovoljavajuće.

Ponuda PD „KOMGRAD-ZE“ d.o.o. ZENICA, podnesena je blagovremeno odnosno 29.05. 2025. godine u 10:25 (h) a krajnji rok za dostavu ponuda predmetne javne nabavke je bio 29.05. 2025. godine do 12.00 sati. Ponuda PD „KOMGRAD – ZE“ D.O.O., ne sadrži kopije dokumenata kako je traženo tačkom 5.1.3. TD, te je ista nepravilna jer nije u skladu sa Tenderskom dokumentacijom broj: 02-11-1025/25 –AP-3 od 06.05.2025. godine. Uz Izjavu o ispunjavanju uslova iz člana 45. Zakona nisu dostavljene obične kopije dokumenata kako je to traženo TD, tačkom 6.2. Sadržaja ponude.

Članom 57. stav 1. Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije, što ponuđač, shodno gore navedenom, nije učinio.

Članom 68. stav (4) i) Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjele ponude, u skladu sa kriterijima iz tenderske dokumentacije.

Nakon provedenog postupka e-aukcije dana, 02.06.2025. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda broj: 02-11-1025/25-AP-4 od 03.06.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„IKAN“ d.o.o. ZAVIDOVIĆI	19.900,00 KM
2.	„HAJDIĆ d.o.o. MAGLAJ	20.000,00 KM
3.	GTPD „POROBIĆ“ d.o.o. ZAVIDOVIĆI	26.616,24 KM
4.	„MGV GRADNJA“ d.o.o. ZAVIDOVIĆI	26.640,00 KM
5.	„GEO-PUT“ d.o.o. MAGLAJ	26.650,00 KM
6.	„DOBOJPUTEVI“ d.o.o. DOBOJ JUG	29.078,10 KM

Ugovorni organ je dana, 04.06.2025. godine donio Odluku broj 02-11-1025/25-AP-6 kojom je prihvaćena kao najpovoljnija ponuda ponuđača „IKAN“ d.o.o. ZAVIDOVIĆI.

Nakon što je zaprimio Odluku ponuđač „IKAN“ d.o.o. ZAVIDOVIĆI, nije dostavio dokumentaciju iz člana 45. i 47. Zakona o javnim nabavkama, a koju je bio dužan da dostavi u skladu sa Tenderskom dokumentacijom i članom 2. pomenute Odluke, odnosno u roku 5 (pet) dana.

Obzirom da je ponuđena cijena ponuđača „HAJDIĆ d.o.o.MAGLAJ, drugorangirana, u skladu sa članom 72. stav 3. Zakona o javnim nabavkama, Ugovorni organ je donio Odluku broj: 02-11-1025/25-AP-8 od 20.06.2025. godine i ugovor o javnoj nabavci dodjelio drugorangiranom ponuđaču „HAJDIĆ d.o.o.MAGLAJ. Ponuđač „HAJDIĆ d.o.o.MAGLAJ nije dostavio dokumentaciju iz člana 45. i 47. Zakona o javnim nabavkama, a koju je bio dužan da dostavi sa danom 30.06.2025. godine, kako je to propisano Tenderskom dokumentacijom i članom 2. pomenute Odluke, odnosno u roku 5 (pet) dana.


Obzirom na naprijed navedeno, u skladu sa članom 72. stav 3. tačka a) Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude drugorangiranog ponuđača, te je ugovor dodijeljen trećerangiranom ponuđaču GTPD „POROBIĆ“ d.o.o. ZAVIDOVIĆI.

Dostavljeno:

1. Učesnicima u postupku
2. U spis.

Akt pripremila: 
(Sanela Mulahasanović)

Akt pregledao: 
(Midhat Bajramović)

Akt pregledao: 
(Nermin Čahtarević)

GRADONAČELNICA

mr. iur. Erna Merdić Šmailhodžić 

